



Broj predmeta: **13-000649/21**
Broj akta: 01.1-1413EK-0027/21
Datum, 24.6.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 – prečišćeni tekst, 49/18, 08/19, 10/19 i 32/19), u skladu sa članom 25. i 32. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-000649/21 od 11.06.2021. godine i Mišljenja Pravobranilaštva Brčko distrikta BiH broj: M-684/21 od 22.6.2021. godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJIH PONUĐAČA

Član 1.

U provedenom otvorenom postupku održavanja vozila u 2021., 2022. i 2023. godini, nabavka i sukcesivna ugradnja rezervnih dijelova i potrebnog materijala za servisiranje i popravku motornih vozila u vlasništvu Brčko distrikta BiH - lotovi koji su poništeni u prvom postupku, izabrani su najpovoljniji ponuđači sa kojima će biti zaključen okvirni sporazum na period od 30 mjeseci.

Naziv najpovoljnijeg ponuđača za lot 1 je: „TIMKO3“ d.o.o. Bijeljina

Lot 1 – Nabavka i sukcesivna ugradnja rezervnih dijelova prema uputstvu proizvođača motornog vozila za motorna vozila iz programa: dacia, proizvedena od 01.01.2017. godine
Vrijednost okvirnog sporazuma sa uračunatim PDV-om iznosi **32.760,00 KM.**

Naziv najpovoljnijeg ponuđača za lot 4 je: „LD auto“ d.o.o. Bijeljina

Lot 4 – Nabavka i sukcesivna ugradnja rezervnih dijelova prema uputstvu proizvođača motornog vozila za motorna vozila iz programa: toyota, proizvedena od 01.01.2016. godine
Vrijednost okvirnog sporazuma sa uračunatim PDV-om iznosi **32.760,00 KM.**

Naziv najpovoljnijeg ponuđača za lot 7 je: „AUTO LETIĆ“ d.o.o. Brčko

Lot 7 – Nabavka i sukcesivna ugradnja rezervnih dijelova prema uputstvu proizvođača mopeda i motocikala iz programa: apn 6; apn 6s; bmw; malaguti, peugeot i yamaha
Vrijednost okvirnog sporazuma sa uračunatim PDV-om iznosi **32.760,00 KM.**

Obrazloženje

Komisija za nabavke je nakon izvršenog otvaranja ponuda konstatovala da je do momenta otvaranja ponuda dostavljeno pet ponuda i to ponuđača: „Auto Letić“ d.o.o. Brčko, „Timko3“ d.o.o. Bijeljina, „Auto-centar“ d.o.o. Bijeljina, „LD auto“ d.o.o. Bijeljina i „Autohit“ d.o.o. Sarajevo. Sastavni dio odluke čini zapisnik sa otvaranja ponuda. Analizom dostavljenih ponuda Komisija je utvrdila da su ponude ponuđača bile prihvatljive u pogledu načina pripreme, dostave, oblika i sadržaja ponuda osim ponuda ponuđača „Auto-centar“ d.o.o. Bijeljina i „Autohit“ d.o.o. Sarajevo. Ponuda ponuđača „Autohit“ d.o.o. Sarajevo je ocijenjena neprihvatljivom iz razloga što nije podnesena od strane ovlaštenog lica ponuđača. Prilikom analize ponude navedenog ponuđača komisija je ustanovila da je ponudu (obrazac za dostavu ponude, izjave ponuđača i obrazac za cijenu ponude) potpisao Esmer Mehović koji prema dostavljenim podacima nije ovlašteno lice. Prema dostavljenom izvodu iz

sudskog registra lice ovlašteno za zastupanje ponuđača je Haris Hadživdagić, direktor. U ponudi nije dostavljena punomoć za Esmera Mehovića u skladu sa članom 58. stav (1) pod g) Zakona o javnim nabavkama. Ponuda ponuđača „Auto-centar“ d.o.o. Bijeljina nije bila dostavljena u skladu sa odredbama tačke 4.10. tenderske dokumentacije. Ponuđač je na strani 21-25 ponude dostavio Ugovor na engleskom jeziku kao dokaz o zastupništvu u skladu sa zahtjevima iz tačke 3.4.2 pod d) Zakona o javnim nabavkama. Tačkom 4.10 tenderske dokumentacije je definisano da ponuda mora biti dostavljena na jednom od službenih jezika u BiH, odnosno ukoliko se dostavlja dokumentacija na nekom drugom jeziku potreban je i prevod urađen od strane sudskog tumača za taj jezik. Obzirom da navedeni prevod nije priložen u okviru ponude ista je ocijenjena neprihvatljivom. Ostali ponuđači su ocijenjeni kvalifikovanim, a njihove ponude prihvatljivim i u skladu sa uslovima postavljenim tenderskom dokumentacijom. Komisija je prilikom analize dostavljenih ponuda ustanovila da su svi ponuđači dokazali da ispunjavaju uslove u skladu sa tačkom 3. tenderske dokumentacije, osim ponuđača „Auto-centar“ d.o.o. Bijeljina koji nije dostavio validan dokaz kojim dokazuje da je ovlašten zastupnik ili serviser proizvođača Ford. Stručni članovi komisije koji su izvršili računsku kontrolu ponuda utvrdili su da su u ponudama kvalifikovanih ponuđača sve stavke tehničkih specifikacija/obrasca za cijenu ponude ponuđene, nema nepotpunih ponuda. Nakon otvaranja ponuda članovi komisije imenovani ispred Odjeljenja za javne poslove su preuzeli po jednu kopiju od svih ponuda kako bi izvršili računsku kontrolu ponuda. Nakon izvršene računske kontrole ponuda utvrđeno je da su u ponudi ponuđača „Timko3“ d.o.o. Bijeljina postojale računske greške koje su navedeni članovi komisije ispravili. Od navedenog ponuđača je tražena saglasnost za potvrdu ispravke ponude, što je isti i dostavio.

Kriterij za izbor ponuda je ekonomski najpovoljnija ponuda i to u smislu kriterija:

- Cijena 50%,
- Operativni troškovi 50%.

Obzirom da ni na jednom lotu nije dostavljeno više od jedne prihvatljive ponude rangiranja ponuda nije ni bilo. Komisija je nakon ispravke računskih grešaka izvršila rangiranje ponuda te je razmotrila najjeftinije prihvatljive ponude sa aspekta mogućnosti da se radi o neprirodno niskoj cijeni ponude i ustanovila da u skladu sa Zakonom i podzakonskim aktima ne postoje elementi za sumnju na neprirodno nisku cijenu najpovoljnijih ponuda. Dalje je Komisija ustanovila da je iznos najpovoljnije ponude na lotovima 4 i 7 veći od procijenjene vrijednosti nabavke te se složila da se od Odjeljenja za javne poslove traži podatak o ispravnosti procijenjene vrijednosti nabavke, prihvatljivosti ponuda i raspoloživosti sredstava za finansiranje u vrijednosti iznosa najpovoljnije ponude na navedenim lotovima. Od strane Odjeljenja za javne poslove dostavljen je odgovor dana 03.06.2021. godine u kome se navodi da se i za navedene lotove može nastaviti postupak nabavke. Na osnovu svega navedenog Komisija je dala preporuku o izboru najpovoljnijih ponuđača za zaključenje okvirnog sporazuma za lotove 1, 4 i 7, a za lotove 3, 5 i 6 je dala preporuku za donošenje odluke o poništenju postupka javne nabavke iz razloga što za navedene lotove nije dostavljena nijedna ponuda i za lotove 2 i 8 jer nijedna od primljenih ponuda nije bila prihvatljiva.

Član 2.

Postupak je proveden na osnovu Posebne odluke o pokretanju postupka javne nabavke broj: 13-000649/21 od 04.03.2021.godine i Obavještenja o nabavci broj: 1157-1-1-152-3-201/21 od 26.03.2021.godine, specifikacijom roba i ponudom najpovoljnijih ponuđača.

Član 3.

Sredstva za finansiranje nabavke robe obezbijediće se iz operativnog budžeta Brčko distrikta BiH za 2021., 2022. i 2023. godinu, sa organizacionih kodova odjeljenja i institucija Brčko distrikta BiH korisnika motornih vozila, ekonomski kod 613 700 ili Odlukama o privremenom finansiranju odjeljenja i institucija Brčko distrikta BiH za 2022. i 2023. godinu do usvajanja budžeta za navedene godine.

Član 4.

Ova odluka stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđačima,
3. Odjeljenju za javne poslove,
4. Gradonačelniku,
5. Zamjeniku gradonačelnika
6. «Službenom glasniku Brčko distrikta BiH»,
7. Arhivi.

